

Nakon 46 godina poèela restauracija spomenika poginulim borcima u NP Sutjeska

Autor Administrator

Sunday, 03 September 2017

Zadnja Promjena Sunday, 03 September 2017

Prvi put nakon otkrivanja spomenika poginulim borcima u Dolini heroja u Nacionalnom parku Sutjeska 1971. godine, poèela je kompletna restauracija ovog historijskog blaga na teritoriji opæine Foèa. Foèanski vatrogasci veæ su poèeli pripremati spomenik za èišæenje, a sredstva za restauraciju æe obezbijediti Vlada RS-a. "Zahvaljujemo se naèelniku opæine Foèa Radislavu Mašiæu na razumijevanju te ustupanju vatrogasaca i opreme bez nadoknade", kažu iz Nacionalnog parka Sutjeska. Dolina heroja je memorijalni spomenik posveæen bitci na Sutjesci koja se odigrala 1943. godine. Spomenik poginulim borcima je rad kipara Miodraga Živkoviæa. Ispred spomenika je spomen kosturnica u kojoj je sahranjen 3.301 borac.

Spomenik visine 19 metara se sastoji od dvije kamene gromade od bijelog cementa. Kako kaže autor, ove gromade simbol su surovog prostora na kojem se odigrala bitka, ostavljajuæi iza sebe duboke kanjone rijeka i težeæi ka sniježnim vrhovima planina ka izlazu u pobjedu. Kraci na spomeniku simbolišu taj prodor, a prostor između je simbolika slobodnog prostora unutar jedinica koje su sa sobom spašavale ranjenike i nemoæne. Kroz prostor između dvije gromade nastavljaju se stepenice do visokog amfiteatralnog oblika sve do mermernih traka na kojima su ispisana imena 16 udarnih brigada, ime centalne bolnice i Vrhovnog štaba. Sa donje strane spomenika je spomen kosturnica u kojoj je sahranjen 3.301 borac od 7.860 poginulih u toku Pete neprijateljske ofanzive. Osim spomenika, Memorijalni kompleks na Sutjesci bio je uništen i opljaèkan u ratu 90-ih godina.

Naredne godine obilježava se 75 godina od Bitke na Sutjesci, a do tad bi spomenik u NP Sutjeska trebao dobiti novi sjaj. Podsjeæamo, teško prohodan teren na Tjentištu pomogao je partizanima u odbrani od Nijemaca u odluejuæoj bici u Drugom svjetskom ratu.

Pored restauriranog spomenika, NP Sutjeska uskoro æe dobiti žièaru i skijalište te nove vile, restorane, puteve, saobraæajne znakove i putokaze. Iako je uspostavljanje sistema samoodrživosti parka zahtjevan proces, NP Sutjeska poèeo je pozitivno poslovati, a u narednom periodu nadležni planiraju unaprijediti i dugo zapostavljeni zimski turizam. Klix 2.9.2017.

#JosipBrozTito #Jugoslavija #Yugoslavia #SFRJ #antifašizam #antifascism